

**UCAPAN MENJUNJUNG KASIH**  
**OLEH KOL. PROF. DATO' DR. KAMARUDIN HUSSIN,**  
**REKTOR KUKUM SEMPENA PROGRAM SENAMROBIK BERSAMA**  
**CANSELOR PADA 16 JANUARI 2007 DI DATARAN HEP.**

Bismillah Hirrahman Nirrahim

Assalamualaikum Warahmatullahi Taala Wabarakatuh Dan Salam Sejahtera

Mengadap Duli Yang Teramat Mulia Tuanku Syed Faizuddin Putra Ibni Tuanku Syed Sirajuddin Jamalullail, Tuanku Canselor KUKUM dan Duli Yang Teramat Mulia Tuanku Hajjah Lailatul Shahreen Akashah Khalil, Raja Puan Muda Perlis.

Ampun Tuanku, sembah patik mohon diampun,

Patik dengan penuh hormat dan takzim merafakkan sembah menjunjung kasih Ke Bawah Duli Tuanku berdua kerana berkenan berangkat mencemar duli ke program Senamrobik bersama Canselor pada pagi ini. Program senamrobik ini telah mencecah tahun yang ke-3 ianya dilaksanakan dan akan menjadi program tahunan di Kolej Universiti Kejuruteraan Utara Malaysia. Patik yakin keberangkatan Tuanku berdua akan membawa limpah berkat kepada Kolej Universiti Kejuruteraan Utara Malaysia, dan kepada patik sekalian amnya.

Perhatian berat yang diberikan oleh Duli Tuanku terhadap KUKUM ini sangat-sangat dihargai dan disanjung tinggi oleh patik dan seluruh warga KUKUM.

Keberangkatan Duli Tuanku pada hari ini menggambarkan segalanya kerana bukanlah mudah bagi seorang Canselor untuk hadir memberi sokongan dalam setiap aktiviti yang dianjurkan oleh universiti yang menjadi naungannya.

Ampun tuanku,

Sekian sahaja ucapan patik. Akhir kata, patik mewakili seluruh warga KUKUM ingin merafak sembah, menjunjung kasih yang tidak terhingga sekali lagi kepada ke bawah Duli Tuanku berdua kerana telah sudi bercemar duli berangkat ke program Senamrobik bersama Canselor pada pagi ini. Patik sudahi dengan wabillahi taufik walhidayah wassalamualaikum warahmatullahi taala wabarakatuh.